

Sagardoaren kultura indartzea eta sustatzea. Horixe da, hitz gutsitan, Arabako sagardogile talde bat sortu nahian dabilen elkarteak edukiko lukeen zeregin nagusia. Gaur egun gutxi batzuk dira herrialde horretan sagardo egiten dutenak. Gehiago izan litezke, klima eta lurralde baldintzak, behinik behin, egokiak direlako sagarrondoetarako.

Ari, ari dira. Gutxi batzuk dira oraingoz. Hiruzpalau besterik ez. Baina ilusio handia dute jende gehiago erakartzeko. Eta ziur dira Araban sagarrondoekin eta sagardoarekin zer edo zer egin nahian dabilen jendea bilduz gero, gauzak errazago joango liratekeela.

Arabian, sagardoaren kulturaren aztarnak batik bat mendialdean, Gipuzkoarekin muga egiten duten eskualdeetan, suma daitezke. Inguru horretakoak dira duela urte batzuetatik hona sagarrondo berriak landatu eta sagardoa egiten hasi diren gazteak. Ez dira asko baina. Eta bakardadean malda guztiak dira pikua goak. Zer esanik ez nekazaritzarekin lotutako jardueretan. Horregatik ari dira jende gehiago erakarri nahian. Indarrak bildu nahi dituzte, sagarraren eta sagardoaren kultura herrialde osoan hedada dadin.

Horretan diharduenetako bat Benito Peciño aramaioarra da. Herrian sagardotegia dauka Peciñok, eta beste pare bat sagardogilerekin ari da lanean elkarretan bat sortzeko asmoz. Elkartearen xede nagusia sagardoaren kultura sustatzea litzateke; sagardoaren kultura, bere zabalean.

Izan ere, asko dago egiteko; hasi dauden edo, hobeki esanda, irautea lortu duten sagarrondoak aztertzetik, eta sagardoa egiteko teknika egokiak probatzeraino. Araban ikertzeko eta aztertzeko esparru zabala dago.

Peciñok eta bere kideek dioteenez, bertako barietateak ere egon, badaude, baina katalogatu gabe. «Izotzei ondo eusten dieten arbolak dira, oso zaharrak. Askok eta askok ez dute urtero ematen. Azterketa egin beharko litzateke eta sailkatu».



Benito Peciño, beste lagun batekin batera, sagar bilketa egin ondorengo lanak amaitzen, Iturrieta baserri atarian.

Arabian ere bai, jakina

Sagardogileak bilduko dituen elkarte martxan jarri nahian ari dira herrialdean

Erakundeen laguntza eta babesa eskasak da, gainontzeko herrialdekoekin alderatuz

Aramaian, esaterako, 1.200 sagarrondo berri landatuta dauzka Peciñok. Arbola horiek ematen diotenekin eta inguruko baserriarrei erosten diotzarekin aski izaten dusa sagardotegian saltzen duena ateratzeko. Urtean, 10.000 litro inguru. Baina oso garbi ikusten du sagar ekoizpena handitzeko aukera asko ematen dituela Arabako landa lurrrak, bai klimagatik, bai lurraldearen egoeragatik.

Hala izanda ere, gutxi dira sagarrondoaren eta sagardoaren

munduan eskua sartzerantz animatzen diren baserriarrek. Erakundeen aldetik babesa eta laguntza eskasa da, gainontzeko herrialdeetan baino eskasagoa. Sagarrondo berriak landatzeagatik, esaterako, baserriarren ez dute inongo diru-laguntza publikorik jasotzen Araban. Inguruko herrialdeetan, Gipuzkoan, esaterako, jasotzen dituzte diru-laguntzak.

Bada, ahal den neurrian horri guztiari erremedioa jartzeko eta,

batik bat, sagarrondoaren eta sagardoaren inguruko guztiari bultzadaxo bat emateko jarri nahi dute martxan elkarteak. Sustatzaileak hasita daude estatutuak, araudiak eta ekimen proposamenak –prestakuntza, sustapen komertziala...– aztertzen eta eztabaidatzen. Askok dago egiteko. Beste ezer baino lehen, sakabanututa dauden indarrak bildu nahi dituzte, sagarrondoetarako doan malda hain pikua suertea ez dadin.

IBARRA SAGARDOTEGIA



OHIZKO EUSKAL SAGARDOTEGIA

- MENU**
- Bakailo Tortila
 - Bakailo Takoak
 - Txuleta
 - Gazta, Intxaurrak, Menbrilua, Ogia eta Sagardoa *****
 - Tortilla de Bacalao
 - Tacos de Bacalao
 - Chuleta
 - Queso, Nueces, Membrillo, Pan y Sidra

BERTAN EGINDAKO SAGARDOA

300 lagunentzat tokia

Zabalik egun guztietan, bazkariak eta afariak